

اداره مخصوصه

درسعادتده ياب على جوارنده

محل اداره :

مُتَابَعَاتُ قُرْبَانِ

۱۳۲۶

اخطار :

مسئله گزیده موافق آثار جدیدہ مع المنونہ
قبول اولنور
درج ابدلہ بن آثار اعادہ اولنور

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شئون اسلاميه دن
بمطابق ايدر و هفته ده بر دفعه نشر اولنور.

صاحب و مؤسسى :

ابوالعلا زين العابدين — ح. اشرف اديب

آبونه بدلى

سنه لکى

هر طرف ايجون

غروش

التى آيلنى

۴۰

۸۰

تاریخ تاسیسی

۱۰ تموز ۳۲۴

درسعادتده نسخه سی ۵۰ پاره در

قیرله دن مقوا بورو ابله کوندر بلیسه سنوی

۲۰ غروش فضله آلنیر

ربط قلب ایلمکله بو خدمت ایفا اولسه مز . زیرا دوشونملی یز که معین و مشروع بر نتیجه تأمل ایلمکسزین وقوعبوله حق نشبثلر هر زمان خبته محکومدر .

بر کره ایستیلان شیء، تأمل ایبدیلان غایه معلوم اولمی و اکا کوره اونتیجه بی اعداد و تأمین ایدهجک اسباب، مقدمات تریه ایبدیلیدر غایه شریعتیه خدمت اولنجه بو خدمتک نه صورتله ایفا اولنجهنی دوشونلملیدر . بوکون اعتقاد مزجه شریعت مزه خدمت ازمنه اخیرده حدوئیافته اوله رق بر حکم شرعی یه ربط ایلمکسزین یک چوق دین قارداش لرمز طرفندن یاییله کلکده اولان و عامللرنجه دائما احتیاج و ضرورتندن بحث اولنان افعال و معاملاتک امکان و ارسه ولوکه بر قول ضعیفه مبتنی بوانسون حکم شرعی یه ربط اولنسنی، اولمادینی تقدیرده حقیقت حاکم بتون دین قارداش لرمزه اعلان ایلمسنی تأمین ایدهجک اسبابی تهیسه ایله اولور . زیرا خلقک افعالندن بر قسمی خارج از شریعت قاله جفته او افعالک ولوکه قول ضعیف ایله اولسون شر . یعتده داخل صورتیله یایلمسنده کی فوادی تقدیر ایتیهجک بر محب شریعت تصور اولنسه مز . ایشته تشکیل اولنجهجک مجله جمعیتک مساعیسنندن بز بویله نافع ثمره لر بکلوروز .

شبهه یوقدرکه بو وظیفه مهمه بی درعهده ایدهجک ذواتک هر صورتله وثوق و اعتماد شایان صالح ، متقی ، ورع ذوات محترمدن اولسنه بغایت اعتنا اولنجهقدر . حتی بوبنده یالکز ممالک محروسه عثمانیهده بولنان فقهاء عظام ایله اکتفا اولنیهرق اسلاملرک توطن ایلدکری قطعات و ممالکک کافهسنده اشتهار ایدن کزیده فقهانک دخی دعوت ایدیلهجکی امید ایدیوروز بویله بر هیئت عالیه ال برلکیله کیجهلی و کوندوزلی چالیشهرق بشریتک احتیاجات حقیقیه . سنک کافهسنی الی ماشاءالله تعالی تأمین کافل و کافی اولان شرع مینمزک قواعد مبعجهسنی و رخص و عزائم حقنده کی نقاط نظرنی تدقیق ایدرایسه بومساعی شبهه سز بتون انسانلرا یچون بر اساس سعادت احضار ایدهجکدر .

زیرا شریعت مز معقوله ذره مانافی اولمادینی کی بالعکس تضایای عقلیهنک اصابتی حقنده قلبی تأمین ایدهجک بر ماهیت جلیله بی حائزدر . عقول بشر متفاوت اولدیغندن هر معقول کوریلار شیتک وهاله اصابتی ادعا اولنسه مز . شریعتیه موافقی اصابتی حقنده امنیت بخش اولور . بوقیل خدمتدرکه شریعت مزک ماضیده اولدینی کی مستقبل ایچونده اقوام فاضلهنک حقوق مدنیهسنه بر منبع فیوضات اولدینی سعادت بز کوستریر . باخصوص بویله بر جمعیتک باب مشیخته انقادی عالم اسلام ایچونده یک نافمدر . مقام خلافت اولان مربوطیت معنویه بر قاندها کسب تقویت ایدر . فقهاء مشار الیهمک عربجه یه وقوفلری طبیعی اوله جنندن مخالفت السنه کی محاذیر متصور دکلدر . شونیده اونوتاملی یزکه شدائد استبداد خلقده کی حس استفتانک تجلیاتنه مانع اولمش وسلطان عبدالعزیزخان مرحومک خلی حقنده کی فتوای شریفک ایراث ایلدیکی دهشته خلقه فتوی کلهسنی تلفظ

و مقهور ، و مزیات ترقی و تمدن مهجور ، بر حال فلاکتده کوررایسه ارتق حیت طمارلری طورماز . قلبه سکونت کلز . بر لحظه راحتده استقرار ایده مز . بتون حیاتی وجود ملته عارض اولان افلاکتک تداوینسه حصر ایدر . چاره ساز اوله مازسه یأسندن اولور کیدر . ایشته بو عقیده بتون ملترک منتهای تمدن و وصولی ایچون اک صادق ناصری ، طلب علوم و توسیع فنون ایله ابداع صنایعده اک مؤثر مروجی در . بر آسر مجبر ، برولی عادل ، بر مستبد قاهر دن زیاده ملتی منازل عالیه و مقامات رفیعیه ایصاله قادر در .

قلبنده بو اعتقاد مفقود اولان بر قومک حیاتی تأمل ایدکز . اطوار و افعالنده فتور ، هم و مساعیسنده قصور ، قوتلرینک ضمه تبدیل ، ممالکتلرینک فتر و مسکنته مقر اولدیغنی کورهجک ، و ذلت و سفالت اوچور و مارندن یوارلتمده اولدقلرینه اجیهجکسکز . هله جهلک تسلط و تحکمی ایله کندیلرینی ملل سائر دروننده طوتانلرک وای حالته .

مرحوم شیخ جمال الدین افغانی

مصر مفتیسی مرحوم شیخ محمد عبدهنک استادی

مترجمی

طربزون مبعوثی خطیب زاده امین

شریعتیه خدمت : مجله جمعیتی

(صراط مستقیم) ده اجتهاده دائر نشر اولنان مقاله لری تعقیب ایدنلر لزوم تشکیلی مجلس مبعوثانجه قرار کیر اولان مجله جمعیتک اهمیتنی تقدیر ایدرلر .

مجلسمزک بو تصویری عصرلردن بری عالم اسلامی تعالیدن ترقیدن محروم براقان بر داء عضالک تشخیص ایلمش اولدیغنی کوستریر . شریعت مبعجه مزک سعادت دارینمزی تمامیله تکفل ایتش اولدیغنه قانع و مطمئن بولندیغمز دن معاملاتمزک کافهسنی حکم شرعی یه ربط ایتک نتیجه مسعدت بخشاسنی تأمین ایدهجک اولان بو تشبثی عالم ایمان عظیم مسرتلره قارشولایه جقدر .

آرتق بوکون انکار اولنمز حقیقتلردندرکه شرع شریفه انسال متأخره نک جدیر تقدیر بر خدمتی سبق ایتماشدر . بالعکس شان و شرف مؤبدینی اخلاصه یاتمهک ایچون نه یایلمق لازم کلورسه جاهل دوستلر هان هپسنی اجرادن چکنه ماشلردر . صوک وقنه مؤسفهده بمض صافدلرک حرکات فسادیه یه اشتراکی بوقیلدن دکلیدر ؟

شریعتیه خدمت امنیه سی بر نیت مبعجهدر بونی تقدیر ایتیهجک صاحب ایمان تصور اولنسه مز . فقط خدمتک یولنی بیلمک لازمدر . بعض منافقلرک مؤمنلر آرهسنه تفرقه دوشورمک مقصد ملعو . نانه سیله متجاسر اولدقلری بر طاقم نفاق جو و فساد آمیز نشریاته

سیده بو خصوصه آتیله حق خطوات مهمه دندر. کوکل ایستکه تشکل ایده جک مجله جمعیتی استخلاف ایله جکی جمعیت سابقه نك بر اثر مبروری اولان تفریق وظائف لایحه سی احکامی احیا ایده رك دور مشتموم استبدادك بوباده کی تقییداتی استیصاله موفق اولسون.

بو کون پك چوققلرنجه معما کی تلقی ایدیلان تفریق وظائف حننده کی تذکره سامیه معلومه ایله بوکا اساس اواسی اقتضا ایدن لایحه مذکورہی عیناً نقل ایدرک دور سابقك شرع شریفه قارشی روا کوردیکی اهانتك درجه سنی کوسترمك ایسترم:

مجله جمعیتك تفریق وظائف حننده کی لایحه سی صورتی :

«دعاوی شرعیہ مسائل شرعیہ توفیقاً فصل وحسم اولنان دعوالردر دعاوی شرعیہ نك انواعی تعیین مسائل شرعیہ نك انواعی تعیین ایله حاصل اولور محاکمه لزومی درکار اولان مسائل شرعیہ باشلوجه مناکات و عقوبات و معاملات قسملرینه منقسم اولمغله اقسام ثلاثه مذکورہ نك انواعی بر وجه آتی بیان اولنور:

مناکاتہ متعلق مسائل شرعیہ ایکی نوع اولوب نوع اولی نکاحه و نوع ثانسی طلاقه دأر اولان مسائل شرعیہ درکه نکاح و طلاقه متعلق بالمله دعاوی اشبو مسائله توفیقاً فصل وحسم اولنور و عقوباته متعلق مسائل شرعیہ دن محاکم شرعیہ جه لزومی اولان قصاص و دیتہ دأر مسائل اولوب بین الناس بونلره متعلق تگون ایدن دعاوی دخی مسائل مذکورہیه توفیقاً فصل وحسم اولنور. معاملاتہ متعلق مسائل شرعیہ نك انواع کثیره سی اولوب بونك اکثریسی مجله احکام عدلیه ده ذکر و بیان اولمش اولمغله مجله ده اولیان مسائل شرعیہیه توفیقاً فصل وحسم اولنور. دعاوی اولان دعاوی شرعیہ نك انواعی بر وجه آتی تفصیل و بیان اولنور شویله که غائب و مفقود و وقف و وصیت و میراثه متعلق تحدرت ایدن دعاوی امور مذکوریه دأر کتب فقهیه ده مسطور اولان مسائله توفیقاً فصل اولنور نته کیم مجله احکام عدلیه نك حاوی اولدیغی مسائل شرعیہیه متعلق بین الناس تگون ایدن دعاوی شرعیه دخی ذکر اولنان مسائله توفیقاً فصل وحسم اولنور.

دعاوی نظامیه نظام مخصوصه توفیقاً فصل وحسم اولنان دعوا لر درکه بونك انواع مشهوره سی بر وجه آتی بیان اولنور :

تجارت و جزا قانوننامه هایونلرینه توفیقاً فصل ورؤیت اولنان دعوالرایله گذشته و ضرر و زیان و التزامات و قونظوراتو نظامنامه سنك مجله احکام عدلیه نك کتاب اجاره سیله حکمی منفسخ اولیان ماده متعلق بین الخلق تگون ایدن دعوالر هپ دعاوی نظامیه در .

والحاصل دعاوی شرعیه مجله احکام عدلیه ایله سائر کتب فقهیه ده مسطور اولان مسائله توفیقاً فصل وحسم اولنان و دعاوی نظامیه انجق نظام مخصوصه توفیقاً فصل ورؤیت اولنان دعاویدن عبارت اولمغله دعاوی شرعیه و نظامیه نك بوجهله تفریقی بوباده محاکمه لازم کلان اصلاحاتك اجراسی تذکر اولمغله اولوجهله ایضای مقتضاسی باینده محمد نوری ، احمد خالد ، السید احمد حلمی ، سیف الدین ، احمد جودت ، عبدالستار ، عمر حلمی ،

ایتدیره میه جک درجه لرده خاقان مخلوع عبدالحمید جانبدن ارائه شدتی استلزام ایلمش و صوک بطن ایشته بویله بر شدت ایچنده پرورش باب اولمشدر . بنا برین بدن اخیر محصولری محطلرند، فتوایه دأر بر شی ایشتمیه ایشتمیه الهمهم بر عنصر سعادت و سلامتدن محروم بولنیورلر. یوماً فیوماً افئده ناسده منقرض اولمق استمدادینی ارائه ایتمکده اولان حس استفتایی اویندیره جق تشبثاتك زمانی حلول ایتمش اعتقادنده یز. لله الحمد و المنه بوکون سوکلی و طنمز علائق استبداددن تمامیه تجرد و تطهر ایتمشدر . بوکون مملکتده حاکمیت ملیه بتون معناسیله منجلیدر . مستبد و مرتجعله صوک ضربه تنکیل دخی ایندیرلمشدر . خلقمزك سویه اخلاقی ایسه نومید اوله جق درجه ده دکلدر . هر کسده افعال و حرکاتی شریتمه تطبیق خصوصنده بر آرزوی فطری واردر . همان هر هفته بووادیده آله گلکده اولدیغمز سؤال ورقه لری بو حقیقی بزه لایترزل بر قناعت وجدانیه ایله تسلیم ایتدیر . یور . زوالی خلقك فنوا خانه عالییه مراجعتله مشکللرینی حانه امکان بولدیغی کندیلرینه کوستره جک بر دلیلدن محرومیتلری واضحاً آکلشیلور . شوورقه لر میانده هر کسجه معلوم ظن اولنان مسائل حننده سهوالی تضمن ایدنلری واردر . بو احوال شبهه سز دور مشتموم استبدادك خلقه فتوی طریقئی اونوتدیرمق خصوصنده کی مساعی متوالیه لیمان سنك نتایج مؤسغه سیدر. انسان بونلری دوشو . نیورده حادثه اخیرده بزی تکرار پنچه استبداده آتمق تشبث لیمان سنده بولنانلرک نه درجه عظیم اولورسه اولسون خیتلریله تشفی صدر ایده میور . متسلی اوله میور .

بعضلری استفتا جوابلرینك تاخیری احتمالندن اندیشه ناك اولیورلر فقط بو تاخیرك اسبابی نقل تحریر سنه مأمور ذواتك محدودیتی اولسه کر کدر . مع مافیه بوباده بز اندیشه یه محل کوره میورز . زیرا تخصیصات علمیه نك تقسیمنده رتبه دن زیاده خدمت کوزدیله رك شووظیفه مبروره یه حصر وجود ایدن ذوات محترمه ترفیه و عددلری تکثیر اولنورسه بو محذور طبیعتیه بر طرف اولور . برده هر شهر قری ابتدا سنده کچن بر آیی ظرفنده و یریلان فتوالردن متشکل بر رساله نشری پك چوق فواید تأمین ایدر .

زیرا خلق اورساله ده فتوالری کوره رك کندی شهبانه مائل اولانلرده اشکالی حل ایدر و کندیسنده استفتا ایچون آرزو اوینیر شو صورتله معاملات ناسك احکام شرعیه دأر سنده جریانی غایه مسعوده سیده بالتدریج وصول بولور. شایان تشکر درکه مجلس مبعوثانمز بو غایه طوغری ایکی مهم خطوه آتمشدر . برنجیسی : بیان ایتد . یکمز وجه اوزره مجله جمعیتك واسع بر مقیاسده اجاسی امرنده کی تشبث نافیدر . ایکنجیسی : محترم مبعوثان مرکز احکام شرعیه یه خدمته دأر اولان عزملرینك بو سنه وضعنه موفق اولدقاری قانونلرده کی تجلیاتیدر. ایشته بو کی مفید و ثمره بخش مساعی ایله افتخار ایتمی . و جمله ال بر لیکله چالیشه رق اوغایه مسعودیه تقرب ایلملی یز . تفریق وظائف نظامنامه سنك شکل حاضرنده کی سقامتک ازاله .

۲۲ ربیع الاول سنه ۱۲۹۸ تاریخلی اولان بولایجه طول مدت مهجور بر اقلدقن صکره ۲۴ جمادی الاخر سنه ۳۰۵ تاریخده شکل غریب آتی بی اکتسا ایلمشدر :

تذکره سامیه صورتیدر:

«محاکم شرعیه و نظامیه وظائفک تفریق اولنماسندن متحدث مشکلات کیندکجه تزايد ایتمکده اولدیغندن وظائف مذکورہ تک تفریق و آیینی لازمہ دن کورنمسنه . بنی شرعاً فصل وحسمی ایجاب ایدن دعاویدن طلاق، نکاح، فقه حضانه، حریت، رقیق قصاص، دیت، ارش، غره، حکومت عدل، قسامه، غائب، مفقود، وصیت، میراث دعوالرینک محاکم شرعیه و تجارت و جزا و بلادور گذشته و نظاماً لازم کلان ضرر و زیان و التزام بدلاتیسه قونطوراتو دعوالرینک دخی محاکم نظامیه ده فصل ورؤیتی و بونلردن ماعداسنک طرفین راضی اولدقلری حالده محکمه شرعیه ده اولدقلری صورتده محکمه نظامیه ده رؤیت و فصل ایدلسی خصوصه مجلس مخصوص وکلا قراریله بالاستیدان اراده سنیه جناب پادشاهی شرف متعلق بیوربله رق الخ»

بو تذکره ۲۶ ذی الحجه ۳۰۵ تاریخده مجله جمعیتنه حواله اولنش و ۱۹ صفر ۱۳۰۶ تاریخده مجلس تدقیقات شرعیه ده کوند. ریلوب مجلسجه بونک ترویججه امکان و لزوم کورومامکله برابر استبدادک قواعد اساسیه سندن اولان اداره مصـلحت جهته کیدیلهرک اختیار سکوت ایدلمشدر.

دور مشـئومک بو قبیل مغلطه لرینه بودور کزین مشروطیتده اولسون بر نهایت ویرلمیدر. تذکره تک نصـ من ایلدیکی تقییدات قانون اساسینک صراحت مخصوصه سی وجهله دینی اسلام اولان عثمانلی حکومتی شخصیت معنویه سنه شین آوردر.

مع مافیه بزم شو صیرالرده کزیده دقت ایدم جکمزشی بو قبیل تشبثات نافه پی خبط عشویه چور مامک خصوصنده کی تیقظ و بصیرتمز اوله جقدر. بوده اتحاد ایله و هر درلو تفرقه دن مجانبته اوله بیلور یوقسه بر ریمزک حسن نیتدن ناحق بر شهنیر ایه سک هم بر شیئه موفق اولماز و همده اوامر سبـحانیه و وصایای پیغمبری به مخالف حرکتمده بولنش اولورز. اخلافزده اک مساعد زمانلرده المزه کچن اک مهم فرصتلی عصرلردن بری معلولی بولندیغمز داه تفرقه یه فدا ایتش اولمقلغمزدن طولایی بزى بیلیم نه نام ایله یاد ایدرلر. ایشته بورالرینی دوشونملی و دائماً بیلملی یزکه جناب حق حسن نیتله چالیشانلرک معینیدر.

ماردینی زاده :

ابوالعلا

علی مرتضی افندی مسئله سی

مابعد [۱]

نه اقتدار نه قوتله منع ایدیورسکز بنی هم بوریاسته عأندر .

[۱] حلب مبعوثی مصطفی افندیکن مجلس مبعوثانده کی افاداندن مابعددر .

طوغریدن طوغری به (دوام ، دوام صدالری) (سوز کسلماز صدالری) اولکی کونکی حسیاتکنزله شیمدیکی حسیاتکنز اراسنده کلی فرق کوربورم سویلتمه یکنز بشقه سوزلری ... نظر یالکنز برسنده نشأت ایدنلر میانندن ایستدکلرینی ترجیح ایدم بیلورلر . یکریمی ذات برصنفده انلردن برینی ترجیح ایدم بیلور . فقط سنین عدیده و متنوعه ده نشأت ایدنلردن صکره کنی اولکننه ترجیح ایتک صلاحیتی هیچ بر زمان حائز اوله ماز. چونکه هر بری مکتبدن برر شهادتنامه ایله چقیورلر . بعض ذوات که افندی حضرتلری معلمک صفتیله مهری بولنور .

مکتبدن با شهادتنامه نشأت ایتمشلر . نظر قانونده حقیقته او علوم و فنونک پروغرامی داخلمده بولنان علومک کافه سنک عالمی اولمق اوزره اوزات طانیلور. و اقما عقول بیننده تفاوت واردر. برصنندن نشأت ایتش اشخاص میاننده تفاوت اولور. لکن بونلرک مکتسبات تحصیلیه سی عادتاً بر درجه ده عد اولمشدر . عقلاً ، حکمه ، قانوناً بویله در . تشکیل محاکم قانونک الی بشننجی ماده سنی تعقیب ایدن ماده بومعروضاتی تأیید ایدیور . یعنی مکتبدن چیقسانلرک حق حاکمیت لایق اولدیغنی تصدیق ایدیور . کوچک ، بیوک دیمیور اورده . اگر بویله اولماش اواسه ایدی، نظارده ایستدکلرینی ترجیح ایدرک تعیین ایتش اولسه لر دی اولکیلرله کندیلری ایچون برسب، رجحان، برمسک تعییننه مقتدر اولسه لر دی و مکتبدن خروج ایتک، شهادتنامه احراز ایتمه تک نه فائده سی قالیردی بیلمام . بز علی مرتضی افندیکن محمود اسعد افندی حضرتلرینک همشیره زاده سی اولدیغنی روایت و مسموعاته استناداً سویلیورز و حق دمنده سویلدیکم کچی برچوق زمانده دولتخانه لرنده قالدیغنی برابر بولندیغنی سویلدیلر ، اگر بویا کلش ایسه بونی بیلمام . فقط بو کون مکتبک ۱۴ نجی ۱۵ نجی ۱۶ نجی ۱۷ نجی ۱۸ نجی ۱۹ نجی سنه لرنده نشأت ایتش اولان قرق قدر اصحاب حقوقک حقوقی پایمال ایدرک و بونلرده سنین و فیره دنبری عدلیه یه منتسب اولور محاکمه ضبط کاتی کچی بیلمام نه کچی خدمتلرده مستخدم اولدینی حالده علی مرتضی افندیکن ۲۰ نجی سنه طلبه سندن ، مأذونلردن اولدینی حالده ترجیحاً تعیینی ظن ایدرم نه عقل قبول ایدر نه ده قانون قبول ایدر نه ده منطق قبول ایدر . تشکیل محاکم قانونک ۶ نجی ماده سنده انتخاب انجمنک سکرذاتدن مرکب اولمسی لزومی بیان اولنیور . شو قدر که اکثریتک کفایتنه دائر بر اشارت و صلاحیت یوقدر بوسکز ذات تماماً موجود اولمدیجه انتخاب صلاحیتی حائز اولمادیغنی قطعاً بیان اولنیور . محکمه اعضالری ده عدلیه نظارتی رؤسای مأمورینندن اوچ رئیس اوله حق صکره محکمه استیناف و یا تمیزدنده اوچ اعضا آلله حق بونک طویپی سکرزه بالغ اولیور بونلرک جموعی اجتماع ایتدکجه برقرار ویره مز . علی مرتضی افندیکن تعییننه دائر شکل ایدن انجمنده یالکنز الی کشی بولمشدر . انجمن عدد قانونیسندن نقصان اولدیغنی حالده شکل ایتش بوالقی ذات کیمدر . بریسی وکیل افندی حضرتلریدر که ذاتاً آنک ریاستی